



**Uorden da scoula
Scoula da musica
Engiadina Bassa/Val Müstair**



Cuntgnü

I.	DISPOSIZIUNS GENERALAS	3
Art. 1	Nom, incumbenza fundamentala	3
Art. 2	Mera	3
Art. 3	Lö d'instrucziun	3
Art. 4	On da scoula	3
II.	ORGANISAZIUN E LEZCHAS DALS ORGANS.....	3
Art. 5	Organisaziun.....	3
Art. 6	Convegna da prestaziun cun cumüns da la regiun	4
Art. 7	Conferenza da presidents da la Regiun Engiadina Bassa/Val Müstair	4
Art. 8	Post d'administraziun	4
Art. 9	Direcziun da la scoula	4
Art. 10	Secretariat	5
III.	DELIBERAZIUNS FINANZIALAS	5
Art. 11	Reducziun da taxa da scoula	5
IV.	FINANZAS.....	5
Art. 12	Quint annual.....	5
Art. 13	Finanziaziun	5
Art. 14	Contribuziuns dals cumüns.....	5
V.	DISPOSIZIUNS FINALAS.....	5
Art. 15	Entrad in vigur	5

I. DISPOSIZIUNS GENERALAS

Art. 1 Nom, Incumbenza fundamentala

¹Cul nom da «Scoula da musica Engiadina Bassa/ Val Müstair» maina la Regiun Engiadina Bassa/Val Müstair la scoula da musica sün basa da l'art. 6 alinea bs. lit. 5 dals statüts regiunalsunnterricht

²Denominaziun da personas, funcziun e manster in quist uorden da scoula as referischan sün amenduos geners scha'l sen nu fa resultar alch oter.

Art. 2 Mera

¹La scoula da musica aspriescha a l'educaziun cumplexsiva ed al svilup cumplexsiv cun l'intenziun da svagliar e mantgnair il plaschair da chantar e far musica pro uffants e creschüts.

²La scoula da musica organisescha per quist scopo, ed in cumplettaziun radschunaivla da l'instrucziun da musica in scoula, üna fuormaziun fundamentala (precuors musical) ed ün'instrucziun d'instrumaint cuntinuanta.

³La scoula da musica ha in mera üna collavuraziun früttaivla cun uniuns da chant e musica. Ella po collavurar cun organisaziuns chi han listess böt.

Art. 3 Lö d'instrucziun

¹Cun determinar ils lös d'instrucziun esa da resguardar da maniera adequata il princip da la decentralisaziun.

²La fuormaziun fundamentala ha da gnir realisada, scha mâ pussibel, in tuot ils lös chi han scoulas popularas. L'instrucziun d'instrumaint esa da realisar cun prioritats decentralas resguardond las circumstanzas da trafic e dal spazi.

³L'instrucziun vain manada tras sco instrucziun da preschentscha. Nu po l'instrucziun pervi d'üna situaziun extraordinaria (epidemia, pandemia, quarantena, malora, catastrofa da natüra, guerra o cas sumgliaints) gnir manada tras sco üsità, ha la direcziun da scoula il dret da dispuoner ün'instrucziun a distanza.

Instrucziun da preschentscha ed instrucziun a distanza vaglian sco instrucziuns equivalentas.

Pro instrucziun sün distanza nu po gnir fat valair ingün rimboursamaint da la taxa da scoula.

Art. 4 On da scoula

¹L'on da scoula as drizza tenor las scoulas publicas da la regiun. El düra da la mità dad avuost fin la fin da gën. Per on da scoula vegnan instruidas 34 lecziuns à 30, 45 o 60 minuts.

²Quistas lecziuns cuntengnan la conferenza d'avertüra incl. il scumpart da las lecziuns, sco eir ün concert, al qual il magister ha dad esser preschaint.

³Sch'üna lecziun vain desditta davart dal scolar vala ella sco lecziun instruida.

II. ORGANISAZIUN E LEZCHAS DALS ORGANS

Art. 5 Organisaziun

¹Ils organs da la scoula da musica Engiadina Bassa/Val Müstair sun:

- a) la conferenza dals presidents da la Regiun Engiadina Bassa/Val Müstair;
- b) il post d'administraziun;
- c) la direcziun da la scoula;

Art. 6 Cunvegnas da prestaziun culs cumüns da la regiun

¹Per surdar l'incumbenza da la scoula da musica fa il cumün üna cunvegna da prestaziun cun la regiun e quai sün la basa da l'uorden da scoula preschaint. I valan implü las directivas, approvadas da la Regenza Grischuna, pertoccand la commembranza da l'Associaziun da las scoulas da chant e musica dal Grischun (ACMG).

²La cunvegna da prestaziun aintra in vigur als 01-01-2016 e düra 5 ons. Il plü tard ses mais avant co cha'l termin scrouda trattan ils partis danövmaing davart il cuntgnü dal contrat.

Art. 7 Conferenza da presidents da la Regiun Engiadina Bassa/Val Müstair

¹La conferenza da presidents

- a) decretescha il reglamaint da scoula e da taxas;
- b) approvescha il preventiv, il rapport da l'on ed il quint annual;
- c) tscherna il manader da scoula.

Art. 8 Post d'administraziun

¹Il post d'administraziun

- a) rapreschainta la scoula da musica Engiadina Bassa/Val Müstair a l'intern da l'organisaziun da la regiun e, davo avair passà pled cul parsura da la conferenza dals presidents vers inoura;
- b) tscherna, sün proposta da la direcziun da la scoula, las personas d'instrucziun;
- c) survaglia l'inter menaschi da scoula;
- d) surpiglia la respunsabilità finanziaria i'l rom dal preventiv approvà;
- e) elavura per mans da la conferenza dals presidents il reglamaint da scoula e da taxas
- f) elavura per mans da la conferenza da presidents il quadern da dovairs pella direcziun da la scoula;
- g) ha la pussibilità da propuoner a la conferenza da presidents expensas unicas, motivadas chi nu sun cuntgnüdas i'l preventiv.

Art. 9 Direcziun da la scoula

²A la direcziun da la scoula suprasta la direcziun musicala, pedagogica ed administrativa. Quistas incumbenzas vegnan surdattas ad ün specialist qualifichà. La direcziun da la scoula

- a) suottasta al post d'administraziun;
- b) es respunsabla pel menaschi da scoula;
- c) fa propostas al post d'administraziun pella tscherna da las personas d'instrucziun
- d) elavura ün model directiv per l'attività e pels princips valabels da la scoula da musica
- e) suottametta al post d'administraziun ils quaderns da dovair per las personas d'instrucziun da musica;
- f) stipulescha ün reglamaint da cuors e dad ensemble;
- g) accumulyscha pustüt las seguaintas incumbenzas:
 - organisaziun e surviglianza da l'instrucziun da musica;
 - accumpognamaint da las personas d'instrucziun da musica;
 - chüra dal contact culs genituors, societats da chant e musica;
 - elavuraziun da propostas da planisaziun da la scoula a media e lunga vista per mans dal post d'administraziun;
 - lavur publica operativa e lavur da proget.

Art. 10 Secretariat

¹Il secretariat da la scoula da musica vain manà dal post d'administraziun da la Regiun Engiadina Bassa/Val Müstair.

III. DELIBERAZIUNS FINANZIALAS**Art. 11 Reducziun da la taxa da scoula**

¹La taxa da scoula po gnir redütta in cas motivats scha'ls mezs chi sun destinats per quel scopo tendschan.

²Il post d'administraziun e la direcziun da la scoula decidan in merit da maniera definitiva.

IV. FINANZAS**Art. 12 Quint annual**

¹La scoula da musica Engiadina Bassa/Val Müstair es ün chomp d'incumbenzas a la Regiun Engiadina Bassa/Val Müstair cun ün agen quint da cuosts. L'on da gestiun da la scoula da musica es identic cul on da chalender.

²Il quint annual ha dad esser equilibrà.

Art. 13 Finanziaziun

¹ Ils mezs necessaris per accumplir las incumbenzas da la scoula da musica vegnan procurats seguaintamaing:

- a) taxas da scoula;
- b) contribuziuns dals cumüns;
- c) contribuziuns dal Chantun;
- d) contribuziuns da fautors e donaziuns, legats.

Art. 14 Contribuziuns dals cumüns

La contribuziun totala büdschetada dals cumüns vain squintada tenor l'artichel 33 alinea 1 dals statüts regionalis.

V. DISPOSIZIUNS FINALAS**Art. 15 Entrada in vigor**

¹Quist uorden da scoula aintra in vigor cun l'approvaziun davart da la conferenza da presidents da la Regiun Engiadina Bassa/Val Müstair.

²Quist uorden rimplazza il reglamaint da la scoula da musica Engiadina Bassa/Val Müstair dals 20.01.2016

Scuol, 26.10.2020

REGIUN ENGIADINA BASSA/VAL MÜSTAIR



Victor Peer
president



Rico Kienz
mainagestion